



Quartu Sant’Aleni

NOVAS IN SARDU

mesi de martzu

Su progetu “Sa lingua in Quartu” est finantziau de sa Regioni Autònoma de Sardìnnia cunforma a sa L.482/99 “Normas in matéria de amparu de is minorias linguísticas stòricas” e a sa L.R. 22/2018. S’ufitziu de sa lingua sarda est in sa Biblioteca de is minorias linguisticas, a disponimentu de scolas, assòtzius, atividadis cumertzialis e de is tzidadinas e tzitadinus chi bolint imparai a ligi, scriri, fueddai in sardu; po cursus de formatzioni in lingua sarda, tradutzionis, consulèntzias.

01/03/2024: In Biblioteca: laboratòrius de letura po pipias/pipius e piciocas/piciocus. Pasca manna est arribendi (“Pasqua è in arrivo”): cumentzant tres laboratòrius creativus de letura a boxi arta po pipias/pipius e po piciocas/piciocus. De mèrcuris, su 06 de martzu 2024, in Biblioteca si promovit sa letura po is prus giòvunus.

01/03/2024: Dii mondiali de s’arrigu: su screening a indonu in s’ex Cunventu. Po sa ‘Dii mondiali de s’arrigu, giòbia, su 14 de martzu 2024, de is oras 09:00 a isoras 14:00, in s’ex Cunventu in bia Brigata Sassari, s’assòtziu A.S.N.E.T organizatsu screening a indonu po is tzitadinus, sena de prenotatzioni.

04/03/2024: Rassinnia “VIACONVENTO”: cun Ada Lai sa trilogia de is fèminas. Apustis de s’inauguratzioni de sa rassinnia de cida passada, cun s’iniziativa dedicata a sa presentatzioni de su liburu de Rossana Copez, si sighit a promovi sa cultura sarda cun Ada Lai.

04/03/2024: Domus comunalis in bia della Musica. Po is sinnalatzionis ddoi at su mòdulu in lìnìa (on line). Su mòdulu in lìnìa est a disponimentu po sinnalai interventus de manutentzioni me in is domus comunalis in bia della Musica.

04/03/2024: Chini arricit su REIS si ponit a servìtziu de sa tzitadi. Torrat a aberri sa “Casa Museo” Sa Dom’e Farra cun is pertzetoris de su REIS (Rèdditu de Inclusioni Sotziali). S’at a afortiai su servìtziu finas in campusantu, cun oras de traballu de chini arricit su rèdditu.

05/03/2024: Biblioteca tzentrali: Claudia Zedda chistionat de ideas e de fèminas sardas. Po sa festa de sa fèmina, s’Assòtziu “Terra dei Sogni” paris cun su Sistema Bibliotecàriu Urbanu, organizat sa presentada de is liburus de Claudia Zedda in Biblioteca. De is diosas de Sardìnnia fintzas a is fèminas de is tempus nostus.

05/03/2024: “PONTI DI DIALOGO”: sighit sa mustra fotogràfica in sa Social Gallery. Sa mustra “Ponti di dialogo”– Reportage fotogràficu de is campus de pròfugus de Chatila, Beddawi, Ein El Helweh, Nar El Bared, sighit fintzas a sàbudu, su 09 de martzu 2024, in sa sedi de The Social Gallery, in bia Eligio Porcu, n.43.

06/03/2024: Coesioni Sotziali: mùsica e intervista cun Francesca Corrias. Sighit sa manifestatzioni “Cambiamo la narrazione” de s’Assòtziu “Il Formicaio”. S’08 de martzu 2024, a ora de is 21:00, cun unu cuntzertu e un’intervista a Francesca Corrias, in “Casa Olla”.

06/03/2024: “IL BORGO DEI BORGHI” 2024: Quartu e totu s’isula sustennint Arbatax. Finas ocannu sa Sardìnnia pigat parti a sa manifestatzioni promòvia de Rai Tre “Borgo dei Borghi”, chi assinnat su prèmiu de su Burgu prus bellu de Itàlia a unu de is 20 partetzipantis, chi rapresentant is regionis de Itàlia.

07/03/2024: Poetu: cumentzant is traballus de su de duus e su de tres lotus de sa parti quartesa. Sa cualificatzioni noa de su Poetu quartesu sighit a lestru, cun su documentu de sa Regioni de parti de sa Cunferèntzia de is Servìtzus, po is traballus finantziaus cun 9 millionis de fundus Pnrr, po mudai s’oru de mari de sa de tres tzitadis de s’isula.

11/03/2024: Rassinnia “VIACONVENTO”: su 13 de martzu 2024 su liburu “CANTI DI SARDEGNA”. Sighint is initziativas de sa rassinnia “VIACONVENTO”, dedicadas a sa literadura sarda. Mèrcuris, su 13 de martzu 2024, a ora de is 17.30, in s’Ex Cunventu de is Paras, s’at a presentai su liburu de Giulio Fara “Canti di Sardegna. L’anima del popolo sardo”.

12/03/2024: Coesioni sotziali:cursu de difesa personali e workshop po is fèminas. Cun s’initziativa 'Proud to be a woman', promòvia de s’Assòtziu “Feel da bounce school”, sighint is initziativas ainturu de su programa "Non solo il 25 novembre“, aprontau de s'Aministratzioni comunali e cun su coordinamentu de s'Assessorau a is Servìtzius Sotzialis e a is Políticas Generatzionalis.

13/03/2024: Biblioteca de Flùmini: duus appuntamentus po is pipius. Cenàbara, su 15 de martzu 2024, in sa Biblioteca de Flùmini de bia Mar Ligure funt in programa is appuntamentus de literadura e laboratòrius de arrecreu po is pipius.

14/03/2024: Casa Olla: cuntzertu narrativu dedicau a Giulio Angioni. “La Casa di Suoni e Racconti” presentat su cuntzertu narrativu dedicau a s’òpera “Sulla Faccia della Terra”, scritta de Giulio Angioni. Giòbia, su 14 de martzu 2024 a ora de is 20:00, in Casa Olla, is atoris Antonio Luciano e Marco Secchi e su musicista Andrea Congia, presentat unu spetàculu spantosu chi no fait a si perdi.

14/03/2024: ‘CALVINIANA’: Teresa Porcella presentat su liburu suu in Biblioteca. Martis, su 19 de martzu 2024, a ora de is 18.30, in sa Biblioteca Tzentrali debia Dante Teresa Porcella at a presentai s’ùrtimu liburu suu "Calviniana. Per un verso o per l’altro”, cun leturas e mùsica.

12/03/2024: Biblioteca Tzentrali: Nicola Cancedda presentat su liburu "Si sardi chi puo”. Sighint sa rassinnia “Quartu Rassegna Autori 2024” cun Nicola Cancedda chi at a presentai su liburu “Si sardi chi può” cenàbara, su 15 de martzu 2024 a ora de is 17:30 in sa Biblioteca debia Dante 66/68.

14/03/2024: Pianu impreu de is litoralis (oru de mari):cumentzat sa fasi de is cunsiderus e osservatzionis. Su Comunu de Quartu Sant’Aleni, cun deliberatzioni de su Consillu Comunali n. 11 de su 20/02/2024, at adotau su Pianu de Impreu de is Litoralis (P.U.L.). S’avisu dd’ant publicau in su BURAS n. 15 de su 14.03.2024 (parti III): de custa dii si podint presentai cunsiderus e osservatzionis.

14/03/2024: Coesioni sotziali: in su Liceu Scientificu Brotzu sa stòria de Edith Stein. Sighint is initziativas ainturu de is progetus de coesioni sotziali finantziaus de s’Assessorau a is Servìtzius Sotzialis e a is Políticas Generatzionalis. Sàbudu, su 16 de martzu 2024, a ora de is 09:30, appuntamentu in su Liceu Scientificu Brotzu: s’assòtziu Polis ASD, ainturu de su progetu "Polis 4 woman", at a presentai “Storie di donne”.

15/03/2024: Rassinnia “VIACONVENTO”: Tuveri e Steri presentant "S’universu a bolu". Mèrcuris, su 20 de martzu 2024, a ora de is 17.30, sighint is appuntamentus de beranu de “ViaConvento 2024” cun is autoris Matteo Tuveri e Arianna Steri, chi ant a presentai su liburu sardu'S’universu a bolu' (NOR, 2023) in s’Ex Cunventu de bia Brigata Sassari.

19/03/2024: Su museu “Lego Karalisbrick” in s’Ex Cunventu. Su 5 de abrili 2024 si presentat su “Museu de su Karalisbrick” in s’Ex Cunventu, un'espositzioni po totu sa famìllia, po mannus e pipius e po is amantiosus de su Lego. Sa mostra de òperas fatas cun su lego at a abarrai in s’Ex Cunventu de bia Brigata Sassari fintzas a su 05 de maju 2024.

19/03/2024: Sala de su Consillu: giòbia, su 04 de abrili 2024 initziativa pùblica po sa chistioni de su PUL nou. De chi sa Giunta e su Consillu Comunali ant aprovau su Pianu de Impreu de su Litorali (PUL), po sa disciplina de is atividades turìsticas e de arrecreu e is servìtzius de agiudu a sa balneatzioni in s’òru de mari de Quartu, cumentzat sa fasi de is cunsiderus e osservatzionis. Est in programa un’atòbiu pùblicu, abertu a totus, po ndi chistionai.

20/03/2024: 'BLOSSOM' de Alessia Anchisianca est "THE SOCIAL GALLERY": vernissage su 23 de martzu 2024. Arti, cultura, patrimoniu intelletuali. In sa sala espositiva "The Social Gallery" s'ghint is initziativas in contu de stòria, bellea, sensibilidadi de su patrimoniu identitàriu nostu. SU programa s'ghit sàbudu, su 23 de su mesi de martzu 2024, a ora de is 18:00, cun Alessia Anchisi chi presentat "Blossom".

21/03/2024: "VIACONVENTO", unu viàgiu in su '900 cun "LA BAMBINA DEL VETRO" de Elisa Pilia. Mèrcuris, su 27 de martzu 2024 a ora de is 17.30, po sa rassinnia "ViaConvento 2024" s'at a presentai su romanzu de Elisa Pilia "La bambina del vetro", me in sa Sala de is pinturas de s'Ex Cunventu de Quartu Sant'Aleni. Elisa Pilia at a chistionai cun Elisabetta Fois. S'intrada est libera e no serbit a prenotai.

25/03/2024: Biblioteca: leturas a boxi arta e laboratòrius po is pipius. In sa Biblioteca de is picocus de bia Dante s'ghint is atividades po is prus giòvunus, promòvias cun s'obietivu de ddus acostai a su mundu de sa letura po unu benidori de cultura e de connoscèntzia. Finsas in su mesi de abrili s'ant a fai cuàturu apuntamentus po is pipius de Quartu, partzius cunforma a s'edadi de is chi pigant parti a is laboratòrius.

26/03/2024: 02 de abrili: Open Day in su "SPAZIO GIOVANI" de bia Melibodes. Informatzionis, consulèntzia e agiudu in contu de formatzioni e traballu, ma finas in sa vida sotziali e in su volontariau, cultura e arrecru, e finas mobilitadi internatzionali, orientamentu scolàsticu e imprendidoria. Su 02 de abrili 2024 si nd'at a chistionai in su "Spazio Giovani" de Quartu Sant'Aleni.

26/03/2024: Curas me in is bàngius cunventzionaues: adesioni finas a su 30 de abrili 2024. Po s'adesioni a is curas me in is bàngius de Sàrdara, cun andada e torrada de Quartu Sant'Aleni a su stabilimentu de Sàrdara, nc'at tempus finas a su 30 de su mesi de abrili 2024. Su servìtziu est a favori de personis chi abisòngiant de terapias me in is bàngius (termas) e chi tenint retzeta mèdica.

27/03/2024: Comunu de Quartu Sant'Aleni: adesioni a Fundatzioni "Novitas 4.0". Su Consillu comunali at torrau sceda a favori a s'adesioni de su Comunu de Quartu a sa Fundatzioni "Novitas 4.0", s'Istitutu Tènicu Superiori po is Tecnologias de s'Informatzioni e de sa Comunicatzioni Sardinnia. Si cumpartzit s'obietivu de agiudai, po mèdiu de sa cultura e de sa circa, sa crèscida e su sviluppu de talentus digitalis. Su Comunu at a ponni a disponimentu po 15 annus un'imòbili in su tzentru de sa tzitadi.

27/03/2024: Protzedura in linia (online) po comunicatzioni apesonamentu domus privadas. Su Comunu de Quartu Sant'Aleni s'ghint su protzessu de digitalizatzioni de is pràticas amministrativas. Sa nova pertocat is struturas turísticas extra-alberghieras: sa comunicatzioni a su Comunu de riferimentu de cumentzu atividades, obligatòria cunforma a sa lei, s'at a podi presentai po mèdiu de domanda in linia in su situ istituzionali de s'Enti.

28/03/2024: Domus ERP, bia de sa Mùsica: su programa de su Comunu po amellorai su benidori. S'ghint is atividades po torrai a assentai is allògius ERP de bia de sa Mùsica, promòvias de s'Aministratzioni comunali cun s'obietivu de assegurai domus de valori a is assinnatàrius chi luegus ant a otenni unu titulu bàlidu po s'impreu insoru, cunforma a s'arregulamentu condominiali nou.

29/03/2024: Rassinnia 'VIACONVENTO': Giancarlo Porcu presentat su sàgiu asuba de Dessanai. S'ghint sa rassinnia in S'Ex Cunventu de Quartu Sant'Aleni, promòvia de su Comunu e programada po su beranu 2024. Mèrcuris, su 03 de abrili 2024, in sa sala de is pinturas, a ora de is 18:00, Giancarlo Porcu presentat su liburu "Un ribelle nell'ombra. Vita e opera di Pasquale Dessanai" (Editzionis "Il Maestrale"), chi at bintu su Prèmiu "Tullio De Mauro".

29/03/2024: Aprovau su schema de rendicontu de gestioni amministrativa 2023. Sa Giunta Comunali de Quartu Sant'Aleni at aprovau, innantis de Pascamanna, su Schema de Rendicontu de Gestioni pos'annu 2023, chi amostat, po s'Enti, unu melloramentu po su chi spetat is paràmetrus prus de importu. S'esercìtziu finantziàriuserrat cun un'arresurtu de amministratzioni de 118.607.000 èurus, cunforma a su Contu de su Bilàntziu e cun unu consuntivua disponimentu de 8 millionis e 800 milla èurus.